


D E S C R I P T I O
C A S T E L L I

Ad
S A N T F L I T A M, &c.

ex Cl. Viri

H V G O N I S G R O T I I

Historia de Obsidione Grollæ.



APTA Grolla Princeps Auriacus mense Octobri anno 1627 Zutania digressus Arnheimum Velaviæ caput, unde Gelriæ regimen, inde Hagam Hollandiæ & communis Federatorum imperii sedem, curam transfert ad ea quæ tum hosti ad Scaldim parabantur. Is amnis apud Veromanduos ortus Cameracum transit, factusque apud Valentinianas navium patiens, Scarpa admixto auctior, flexo magis in septentrionem cursu Tornacum Aldenardamque Flandriæ urbes adit, inde Gandavi multis simul receptis aquis, præcipuis Lifia Liviaque, in ortum se vertens Teneramundæ ac Rupelmundæ sua dat nomina, inde quod Tenera Rupelaque amnes iis in locis majori se infundunt. Tot auxiliis inclitus Antverpiam ditissimam quondam urbem, & nunc quoque veteris fortunæ vestigia retinentem, dexter allabitur: neque longe duobus Batavorum castellis quasi claustris premitur, quorum quod in Brabantica ripa, Lilloo habet nomen, portu quondam adibat, quo nunc oblimato habetur firmitus, alteri in Flandriæ ora Lifquenshouco vocabulum est. Huc usque continuus est Scaldis, qui mox inter Santstietam Brabantiæ, & Saftingum Flandriæ vicos, scindi incipit, unoque alveo nomen retinens, & in conspectu Bergarum ad Zomam septem horarum itinere ab Antverpia, accepto Zoma, qui oppido illi nomen dedit, provectus inde longius, Zelandiam dividit in eam quæ ad occidentem Scaldis dicitur, in qua Walachria insula Middelburgo, Flissinga, Veria oppidis notæ, & Bevelandia septentrionalis australisque, & eam quæ ad orientem Scaldis, in qua præcipua insula ab ipso flumine nomen habens Scaldia, cui oppidum Zirixæa, tum minores aliæ. Est alius ad lævam alveus cui Honta nomen, Ottonum Imperatorum quondam opus, angustum olim, ut veteribus documentis constat, sed quod late aperuit & sinum sibi fecit invehit Oceanus. Is

Belgica.

Bevelandiam australem, cui caput Goesa, deinde Walachriam à Flandria dispescit. Dextro latere paulo infra Bergas ad Zomam alius rursus alveus Vosmarii habet nomen, & Tolæ Zelandorum insulæ, in qua oppidum cognomine, dextra prælapsus, Flaccæo (is maris sinus est ingentes continens Hollandici imperii insulas, Vornenlibus quondam Puttenisque toparchis infestas) infunditur. Totum hunc ego tractum à Flandria ad ea usque Hollandiæ quæ Mosam ultra sunt perpetuas fuisse terras, argumento habeo æqualem oræ utriusque littoris procursum, si non respicias interfusum mare, & quod Romanorum nulli insulæ illic memorantur. Quantum tam longi temporis vices mutare poterint, documento sunt memoriæ nostræ propiora, ex quibus discimus plurima terrarum diluviomersa, rupta quæ cohæserant, alibi revector æstus quem amnes detulerant limo terras aut emeruisse novas aut veteres redditas, annitente hominum ingenio varia per opera quæ cœnum detinerent, aquas excluderent exhaurirentque, non alterius uspiam populi majore ad has res industria. Nec sæcula tantum, sed anni, menses, dies faciem mutant, prout amnes se huc aut illuc torfere, prout æstuum impetus aut status aut ventis excitus eminentia operuit, aut latentia nudavit. multæ ubique præter illas notas minores insulæ, multa breviora, multa quæ dubites utro nomine appelles, incerti juris, ut accessit aut abiit mare, cuius vices Scaldis Gandavo tenus sentit. Germanos Zelandias quondam insulas quasvis dixisse reperio: postquam plures in unum imperium coaluere, quod singularum fuerat proprium, corporis factum est, maxime ex quo expulsis Flandris qui Walachriam & proxima sibi vindicaverant, victores Hollandiæ Comites, distincto jure ac peculiari Comitatus titulo has terras tenuere. Zelandorum pars primis in Albanum motibus Hollandis se junxerat, initio à Flissinga, cui alia sponte accessere, Middelburgum fame coactum. Gens mari valida, magnisque præliis consecuta ut non alias magis Hispani timerent, donec sub Requesenio Zirixæa in regis potestatem redacta res arctas fecerat, nî Hispani per seditionem intoleranda

K

cœptan-